

III Concurso de curtametraxes

Obxecto:

Un dos obxectivos primordiais na concienciación da doazón é o deseño de intervencións educativas dirixidas a mellorar a opinión da doazón e os transplantes entre os adolescentes e mozos. A formación dirixida a escolares permite dotar do coñecemento preciso na materia a cidadáns que se atopan nunha idade, dende o punto de vista intelectual e social, moi receptiva, que lles permitirá tomar unha decisión propia ao respecto e que serán transmisores informados dos coñecementos adquiridos sobre doazón e transplante no seu ámbito de influencia social, académico e laboral.

Finalidade:

Convocar un concurso de curtametraxes dirixido aos escolares para o curso escolar 2012-2013 que teña como tema a doazón e os transplantes, co fin de acercar esta realidade á poboación escolar da nosa comunidade autónoma, de modo que os rapaces e as rapazas sexan capaces de valorar os beneficios para a cidadanía do fomento da doazón de órganos.

Destinatarios:

Poderá participar no concurso de curtametraxes o alumnado de bacharelato e ciclos formativos de grao medio de todos os centros educativos, tanto sostidos con fondos públicos coma privados, da Comunidade Autónoma galega.

Información sobre o desenvolvemento do programa:

1. En cada clase o profesorado realizará unha actividade formativa respecto da doazón e o transplante que facilite a creación de ideas e que propicie o desenvolvemento da imaxinación do alumnado á hora de elaborar a curtametraxe.
2. A Oficina de Coordinación de Transplantes do Servizo Galego de Saúde facilitaralles aos centros interesados material de apoio acerca da doazón e o transplante para realizar a actividade formativa.

Requisitos:

Características das curtametraxes:

1. O contido das curtametraxes tratará sobre a doazón e os transplantes e sobre todos os aspectos relacionados con estes e terán unha duración máxima de 5 minutos.



2. Poderá participar neste concurso o alumnado, en forma individual ou en grupo, cun máximo de cinco persoas por cada un dos traballos presentados.
3. Aceptaranse obras mudas ou sonoras, sempre e cando os textos e diálogos estean en galego normativo e todas as secuencias e imaxes sexan creadas para a obra. En calquera caso, non se aceptarán obras que inclúan imaxes protexidas por dereitos de autor alleos a quen presenta a obra.
4. Poderán participar todas as obras audiovisuais realizadas con cámaras, videocámaras ou móbil. Presentaranse dúas copias do vídeo, unha en baixa calidade en formato FLV, como máximo 400Kbps, e outra coa mellor calidade de visionado posible nalgún dos formatos seguintes: DVD-Video, MPG, MP4 ou WMV". A organización do concurso facilitará o titorial do formato esixido.
5. As obras deberán incluír obrigatoriamente un título relacionado co fomento da doazón.
6. As curtametraxes que non cumpran os criterios determinados nas presentes bases serán eliminadas, así como aquelas cuxo tema non sexa o sinalado nestas

bases. Só poderán presentarse aquelas obras que fosen realizadas baixo a titorización do profesorado do centro docente.

7. A Oficina de Coordinación de Transplantes de Galicia reserva para si a posibilidade de empregar as curtametraxes seleccionadas polo xurado, de utilizar estas para a elaboración de traballos ou presentacións públicas e tamén de utilizalas como lema dalgunha campaña relacionada coas funcións da devandita oficina.
8. As obras remitiranse en sobre cerrado ao seguinte enderezo:

"Concurso de curtametraxes"

Oficina de Coordinación de Transplantes de Galicia
Edificio Administrativo San Lázaro s/n
15703 - Santiago de Compostela

Ademais debe conter a seguinte información:

Título

.....
.....

Nome e apelidos dos/as autores/as

.....
.....

Curso

.....
.....

Profesor que titoriza a curtametraxe

.....
.....

Datos do centro: nome do centro, teléfono e enderezo

.....
.....

Prazos de presentación

O prazo de presentación das curtametraxes rematará o 12 de abril de 2013.

Premios e dotación

Establécense un primeiro e un segundo premio:

PRIMEIRO PREMIO, que consistirá, para o centro docente, nun vale por valor de 1.000 euros para a adquisición de material escolar. Para o alumnado, o premio consistirá nun vale por valor de 1.000 euros, que se dividirá entre o número de participantes para a adquisición de material informático, audiovisual, deportivo ou material de lectura. Para o profesor ou profesora que tutela o traballo presentado, un ordenador portátil.

SEGUNDO PREMIO, que consistirá, para o centro docente, nun vale por valor de 750 euros para a adquisición de material escolar. Para o alumnado, o premio consistirá nun vale por valor de 750 euros que se dividirá entre o número de participantes para a adquisición de material informático, audiovisual, deportivo ou material de lectura. Para o profesor ou profesora que tutela o traballo presentado, un ordenador portátil.

Resolución:

Criterios e procedemento de concesión dos premios.

1. O prazo máximo para resolver e notificar a resolución será dun mes contado a partir do día seguinte ao de finalización do prazo de presentación das curtametraxes.

2. O xurado encargado de analizar e de resolver os premios estará integrado polos seguintes membros:

- **Presidenta:** conselleira de Sanidade, ou persoa en quen delegue.

- **Vogais:** un técnico da Axencia para a Modernización Tecnolóxica de Galicia (Amtega), tres persoas asesoras técnicas da Consellería de Educación e Ordenación Universitaria, dúas persoas do Servizo Galego de Saúde designadas polo titular da Consellería de Sanidade e unha persoa da Oficina de Coordinación de Transplantes que ademais exercerá como secretario/a.

Logo de avaliadas as curtametraxes, o xurado emitirá unha proposta na que se concrete o resultado da avaliación efectuada. Notificaráselles aos premiados a hora e o lugar da entrega de premios, que se fará en acto público.

No caso de empate, a conselleira de Sanidade terá voto dirimente.

3.1. Para a concesión dos premios atenderase aos seguintes criterios:

a) **A promoción e o fomento da doazón e/ou dos transplantes nas curtametraxes.**

b) **A calidade, cantidade e utilidade da información que ofrece.**

3.2. Por proposta motivada do xurado, os premios poden quedar desertos.

Servizo Galego
de Saúde



Asistencia Sanitaria

III Concurso de curtametraxes

para escolares relacionado coa
doazón e os transplantes

Oficina de Coordinación de Transplantes

SERVIZO GALEGO DE SAÚDE

881 54 28 63

Edificio Administrativo San Lázaro
15703 Santiago de Compostela

www.sergas.es

a vida,
o mellor agasallo



curso escolar
2012-2013

ALUMNOS/AS DE BACHARELATO
E CICLOS FORMATIVOS DE GRAO MEDIO

galicia

amtega

SERVIZO
GALEGO
de SAÚDE



XUNTA
DE GALICIA

XUNTA DE GALICIA